

Deo optimo maximo uni & trino, Virgini Deiparæ, & sancto Lucæ orthodoxorum Medicorum Patrono. (1813)

QUÆSTIO MEDICA

May 1513

Quodlibetariis disputationibus, manè discutienda in Scholis Medicorum, die Martis decimâ-quartâ Februarii.

M. ANTONIO DE SAINT-YON, Doctore, Medico Regis ordinario, Præside.

An in Δυσέρειâ diureticis prævalet purgatio?

QUÆ permiscuerat olim & confuderat obscura antiquitas *δυσέρειâ* πλὴν: hæc eadem in tria genera posterior ætas clariùs distinxit: His omnibus subest urinæ difficultas; Illa in *ιζυρία* non redditur, in stranguriâ stillatim guttatimque emittitur; in *δυσέρειâ* modò guttatim modò affatim cum dolore & cruciatu profluit. Hæc dispar vitiorum ratio similes dissimilisque causas naçta invicem ferme convertitur, univé ut plurimum insedit vesicæ quæ est urinæ receptaculum. Quisquis Medicinam his malis facere crebrâ alvi ductione tentaverit, cum, si artifex est, spes rariùs frustrabitur: Illa siquidem utcuqùe levabuntur; hoc hercules, *δυσέρειâ* videlicet, tutiùs & celerius ad sanitatem perveniet: at varium adeò & mutabile res Medica, ut hîc proprias perpetuasque medendi leges figere non ipsi Hippocrati Dii concesserint; res enim, ætas, tempus, locus, habitus, usus semper aliquid apportat novi, aliquid monet; ità ut illa quæ te scire credas, nescias, & quæ tibi putaris prima, in experiundo repudies: Quin incertam hanc conjecturalemque artem, si postulas ratione certam facere; nihilo plus agas quàm si des operam ut cum ratione insanias. Jam morbus curationesque in notitiam faciliùs venient si vesica mali sedes (quatenùs scire curanti necessarium est) priùs in conspectum quendam adducatur.

VESICA unoquasi musculo circumvoluta duabus constat membranis; harum quæ extima valida est & densa; quæ intima utpote tenuis ac pluribus fibris per eam discurrentibus intertexta sensu pollet exquisitissimo. Vesicam innumera penetrant foramina invisibilia, extrinsecus limphæ pervia; in his etiàm tria duntataxat majora conspiciuntur; quorum duo ad ejus cervicem posita urinam accipiunt descendente à renibus per singulas venas colore albas *δυσέρειâ* Græci vocant; tertium, quâ patet urinæ exitus, à summâ cervice ad colem descendit. Cervicem carnosam magis & compressam contextunt fibræ transversæ & semiobliquæ; hanc alluunt & nutriunt arteriæ ab hypogastricâ, & venæ hypogastricæ sibi mutuò & arteriis conjunctæ; in hanc incurrunt spiritus per nervorum propagines à medullâ ossis sacri & ab octavo pari deductas; huic utrinque mollior incumbunt duæ glandulæ suprà sphincterem positæ & arteriis, venis, nervis, canalibus aquosis seu lymphæ ductibus instructæ.

IN loco tam arctis obnoxio itineribus hûcque & illuc flexis, tot inter vesicæ cervicis vasa, venas & arterias, fibras & nervos, carnes & glandulas, accensa vel mediocri inflammatio sæpè urinam reddi naturaliter prohibet. Illam quoque *οὐρησιν δυσχερὲς εἶναι* faciunt & alunt tùm *ὀργάνους* varii succi & aciores per vasa illic circumjecta undique delati; tùm latex serosus *salinis* & sulphureis permixtus particulis, & per tenuissimos renum tubulos percolatus. Quin etiàm hoc vitium exasperatura videntur quæcunque nativas cruoris coagulationes dissolvendo, aut strictiùs compingendo, copiosius serum in partes morbo infestatas protrudent; Quæque alienas sordes, aliisque destinatas *διασφόρητους* illuc unâ cum sero convehere apta sunt; Verùm ut nihil est tam capax fortuitorum quàm Medicina, quidni interdum contrà vertat, ut illa etiàm, temeritati licet & inscitiae propiora, nonnunquam tamen respondeant; cum & utique qui secundis aliquandò frustra curatus est, contrariis sæpè restituatur: adeò ne patet breve confinium artis, & falsi!

HONESTUM purgationis nomen Medicina verbis magnifica imposuit scædo cuidam stomachi ac intestinorum motui, quo fæces humorumque recrementa & corruptelæ foras *διὰ τὴν κίττω* rejiciuntur. Ille excitatur vulgò medicamenti potestate, quâ laxatis aut vellicatis ventriculi intestinorumque fibris, modò vomitus, modò defectiones frequentiores plenioresque sequuntur; hæc verò an solis mixti salibus, an intimæ partium texturæ, an toti demùm substantiæ sit referenda; certent otiosi *λόγων περιμνηταί*; horum omnium rationes non equidem cogunt, fortè nec persuadent, sed inopiâ veri, & errantium credentiumque consensu possunt more sceptico videri non improbables. Cum hætenùs multa veterum medendi duritiæ meliùs & lætiùs mutata sint, & cum plura consilio quam vi perficiantur in regendis corporum valetudinibus; timidus procellæ, illud ama medicamentum quod ventrem molliat & blandiùs ducat; ità tutus eris extrâ metum & periculum sanitatem moliendo; nec non securiùs peraget lenis & tranquilla Medicinæ potestas, quod acrior & valentior ferè in pejus concitaret & converteret. Sed scire licet catharism quancumque non mereri præmium inculpatae tutelæ; ejus enim levem culpam (propè dixerim latam & dolum malum) arguunt arcanus stomachi horror nausæque insuperabilis, stercoreis & excretorum fætor horridus, corporis languor & dolor, sitisque superveniens, &c.

IN hæc ipsâ re igitur, ut in cæteris, nihil est ex omni parte beatum; medio de fonte salutiferæ artis surgit amari aliquid quod causariis ac fluidis hominum corpusculis insolens in novum ducit vitium; hoc tamen utporè levis, tolerabile est, nec adeò pertimescendum; huic, Natura suo juri relicta protinus medicabitur: lædat ergò stomachum purgatio, torqueat intestina, solvat viscera, partium fermenta molestiùs insciebant. Tinctura nimirum cathartica in ventriculo ac intestinis paulisper commorata, & *ἐνεργητικὸς* quoquo versum diffusa venis, impuritates ab alimentis & degenerè chylo ortas, promiscuè & sine delectu ex totis corporibus visceribusque secretas & eductas per alvum feliciter excernet; eo ferè modo demptâ atroci morbo materiâ, levatisque eo veluti onere vesicæ partibus, & morbus in suo impetu mollietur, & qui modò in malis erat æger, mox fiet *δυσπνευστικός*.

Ergo in Δυσέρειâ diureticis prævalet purgatio.

DOMINI DOCTORES DISPUTATURI

M. Ludovicus Labbé, Academiæ Censor.
M. Andreas Enguehard, Professor Regius.
M. Josephus Thomasseau.

M. Ludovicus Poirier.
M. Pierre Bourdelet, Medicus Regis perpetuò ordinarius.
M. Joannes-Baptista-Renatus Moreau, Professor Regius.



M. Matthæus Thuillier.
M. Carolus Marteau.
M. Antonius le Moine

Proponebat Parisiis CAROLUS THUILLIER, Aurelius, Baccalaureus Medicus. A. R. S. H. 1696.